



Ulloq: 20. december 2024
Allaffik: Nordatlantkontoret
Sul.suli: Ditte Refsgaard
Suliap.nor: 2023-490-0411
Takussu: 3326824

**Uunga
Siunnersuut**

Kalaallit Nunaanni pinerluttulerinermi inatsisip

allanngortinneqarnera pillugu inatsit

(Killilikamik piffissaligaasumik inissiisarfimmi inissiineremi piffissap
sivisunerpaaffissaata qaffanneqarnera)

§ 1

Inatsimmik allanngorneri ilanggullugit nalunaarutiginninneq nr. 1187 af 18.
september 2023-imeersoq malillugu, Kalaallit Nunaanni pinerluttulerinermi
inatsimmi allannguutit tulliuttut suliarineqassapput:

1. *§ 147, imm. 1-imi*, »ukiunit qulinit« ima allanngortinneqassaaq: »ukiunit
16-init«.

2. *§ 147-imi* imm. 1-ip kingorna immikkoortutut nutaatut
ilanngunneqassaaq:

»Imm. 2. Iliuuseqartoq 18-it inorlugit ukiulik inissiisarfimmi ukiut 10
sinnerlugit inissinneqartussatut eqqartuunneqarsinnaangilaq.«

Imm. 2 aamma 3 tamatuma kingorna imm. 3 aamma 4-nngussapput.

3. *§ 147, imm. 3-mi, imm. 4-nngortussami*, »Imm. 2« ima
allanngortinneqassaaq: »Imm. 3«.

§ 2

Inatsit ulloq [...] atuutilissaaq.

Inatsisissatut siunnersuummut oqaaseqaatit

Oqaaseqaatit nalinginnaasut

Ujarliutit

- 1. Aallaqqaasiut**
- 2. Killilikamik piffissaligaasumik inissiisarfimmi inissiinermi piffissap sivisunerpaaffissaata qaffanneqarnera**
- 2.1. Inatsisit atuuttut**
- 2.2. Inatsiseqarnermut ministereqarfiup isumaliutiginninera aaqqissuussinerlu siunnersuutigineqartoq**
- 3. Pisortanut aningaasaqarnikkut kingunissai aamma atortuulersitsinermi kingunissaa**
- 4. Inuussutissarsiornermut il.il. aningaasaqarnikkut allaffissornikkullu kingunissaa**
- 5. Innuttaasunut allaffissornikkut kingunissaa**
- 6. Silap pissusaanut- aamma avatangiisunut kingunissaa**
- 7. EU-mi inatsisitigut tunngassuteqartut**
- 8. Oqartussat suleqatigiiffiillu il.il. tusarniaaffigineqartut**
- 9. Immersugaq eqikkaaffiusoq**

1. Aallaqqaasiut

Kalaallit Nunaat peqatigalugu qanittumik aamma aaqqiissutissarsiorluni suleqatigiinneq naalakkersuisut kissaatigaat. Taamaammat – nunat akornanni pissutsit immikkut ittut assigiinngissutillu ataqqillugit – ilaatigut Kalaallit Nunaanni qallunaat suliassaqarfinni akisussaaffigisaanni tamanut atugassiat Danmarkimi tamanut atugassianik malinninnissaat naalakkersuisut sulissutigaat.

Ingammik inummut navianaatilimmik pinerluttuliorerit ilungersunarnerpaat pineqartillugit, sulinermut tassunga atatillugu, Naalakkersuisut kissaateqarnerisigut, pinerluttulerinermi inatsimmi killilikamik piffissaligaasumik inissiisarfimmi inissiinermi piffissap sivisunerpaaffissaata ukiunit 10-nit ukiunut 16-ininut qaffanneqarnissaa pillugu, Inatsiseqarnermut ministereqarfiup inatsisissatut siunnersuut manna sularisimavaa.

Pisuni ilungersunarnerpaani, tassani inuk pinerluttuliorerit suussusaannik peqqarniinnerpaanik pisuutitaasimatillugu, ingammik toqutsisimasutut, ujajaasimasutut, nammineersinnaajunnaarsitsisimasutut, nakuusernernik ilungersunartumik pinerluttuliorsimasutut, § 98-imi qunusaarinernik taaneqartunik qunusaarisimasutut, pinngitsaaliilluni atoqatiginnissimasutut imaluunniit allatut ilungersunartumik kinguaassiuutitigut pinerluuteqarsimasutut imaluunniit ikuallatsitsisimasutut imaluunniit pinerluutit taakku arlaannik misiliisimasutut, eqqartuussiviit ullumikkut killilikkamik piffissaligaasumik inissiinermi, tassani killilikkamik piffissaligaasumik inissiisarfanni inissiinermi sivisunerpaamik inissiisarneq ukiunik 10-nik sivisussuseqarluni, tunngaviliisarnerannik allaanerusumik killilikkamik piffissaligaasumik inissiisarfimmi inissiinissami eqqartuussiviit suli piffissaliinermi, annertunerusumik assigiinngisitaartumik inissiisinnaanerat, siunnersuutip periarfissippaa.

Kisianni allakkut pineqaassisiiisarnermi killiffiit qaffanneqarnissaat siunertarineqanngilaq, aamma taamaallilluni pineqaatissiisarnermi killiffik, ullumikkut eqqartuussivinni allakkut atorneqartoq, aammattaaq allanngortinnagu ingerlatiinnarneqassasoq, siunnersuutikkut naatsorsuutigineqarpoq.

2. Killilikkamik piffissaligaasumik inissiisarfimmi inissiinermi piffissap sivisunerpaaffissaata qaffanneqarnera

2.1. Inatsisit atuuttut

Pinerluttulerinermi inatsit atuuttoq Kalaallit Nunaanni eqqartuussiveqarneq pillugu Kalaallit Nunaanni Eqqartuussiveqarneq pillugu ataatsimiititaliarsuup isumaliutissiissutaanik nr. 1442/2004-imeersumik tunngaveqarpoq. Pinerluttulerinermi inatsisip aamma qallunaat pillaasarnermik inatsisilorneranni assigiissut malunnartoq tassaavoq »pillaatissiissutit«-nut taarsiullugu oqaatsip »pineqaatissiissutit« imarisaata atorneqarnera.

Oqaatsini atukkani pingaarluinnartumik tunngaviusoq taanna, Eqqartuussiveqarneq pillugu ataatsimiitsitaliarsuup isumaa malillugu, Kalaallit Nunaanni annersumik siumut isiginissamik aamma siunissami pinerluttuliorerup pitsaaliorneqarnissaanik pingaartitsinermik assigiinngisummut tassunga tunngaviuvoq, matumanit pinerluttuliornermi iliutsimut kingumut isigisumik pissusilimmik (naqisimannilluni

imaluunniit killilersuilluni inuup kiffaanngissusiagaaneranut imaluunniit pisinnaatitaaffiaagaaneranut) iliuuseqannginneq, kisiannili pinerluttuliortup kingumut innuttaasutut inooqataasinnaalerseqqinnejnarnera ilanngullugit. Eqqartuussiveqarneq pillugu ataatsimiititaliarsuup isumaliutissiissutaa, atuagaq I, qupperneq 121 innersuussutigineqarpoq.

Pinerluttulerineremi inatsit atuuttoq 2008-imi akuerissutigineqarpoq aamma 2010-imi 1. januar atuutilerluni. Siusinnerusukkut pinerluttulerineremi inatsimmut 1954-imeersumut naleqqiullugu, pinerluttulerineremi inatsimmi qitiutsut akusoq tassaasimavoq pineqaatissiisarnermi systemip nutaamik aaqqissuussivigineqarnera.

Pinerluttulerineremi inatsimmi § 119 malillugu, pinerluttuliortut pinerluttulerineremi inatsit malillugu assigiinngitsunik, sukannersusertik malillugu iliuusereriikanut kinguneritittakkat sakkortusiartortinnejnarnerannik taaneqartartumi inissinneqarsinnaasunik pineqaatissinneqarsinnaapput: Mianersoqqusineq, akiliisitsineq, piumasaqaasiinikkut utaqqisitamik inissiisarfimmiiittussanngortitsilluni eqqartuussissut, nakkutigisassanngortitsilluni eqqartuussissut, inuaqatigiinnik kiffartuussisussanngortitsilluni eqqartuussut, inissiisarfimmiiittussanngortitsilluni nakkutigisassanngortitsillunilu eqqartuussut, inissiisarfimmiiittussanngortitsineq aamma tigummigallagaqarneq. **Pinerluttulerineremi inatsimmi 1954-imeersumut naleqqiullugu, pineqaatissiinerit mianersoqqussutaasut, piumasaqaasiinikkut utaqqisitamik inissiisarfimmiiittussanngortitsinerit, inuaqatigiinnik kiffartuussisussanngortitsinerit aamma inissiisarfimmiiittussanngortitsinerit aamma nakkutigisassanngortitsinerit nutaatut pineqaatissiissutaapput.**

Inatsisinik unioqqutitsisunut inuusuttuusunut, nalinginnaasumik iliuusereriikanut kinguneritittakkat sakkortusiartortinnejnarnerannut taarsiullugu allatut qinigassatut immikkut ittumik ikiorneqarnissamik iliuuseqarnissat pillugit eqqartuussutit atorneqarsinnaapput, aamma tarnimikkut napparsimasunut imaluunniit eqqarsartaatsikkut kinguarsimasunut napparsimavimmi imaluunniit paaqqinniffimmi allami inissinneqarnissamik eqqartuussut imaluunniit katsorsarneqarnissamik eqqartuussut atorneqarsinnaavoq.

Iliuusereriikanut kinguneritittakkat sakkortusiartortinnejnaranni pineqaatissiisummik eqqartuussiviit toqqaaneranni, pinerluutigineqartup

ingasassusaa il.il. aallaavagineqassasoq, aamma alloriarnerni tamani Folketingstidende 2007-08 (katersat aappaat), ilanngussaq A, qupperneq 1620 malillugu eqqartuunneqartumut katsorsarneqarnissaq neqeroorutigineqassasoq, pinerluttulerinermi inatsimmi piumasaqaataavoq. Pineqaatissiissutip suussusaa pinerluttuliornermut pinerluutigineqarsimasunut aallaaviatigut naapertuunnersoq eqqartuussiviup pinerluttulerinermik suliani ataasikkaani tamani nalilersussavaa, aamma Folketingstidende 2007-08 (katersat aappaat), ilanngussaq A, qupperneq 1631 malillugu matumani iliuusereriikkanut kinguneritittakkat sakkortusiartortinneqarneranni qanoq qaffasitsigisumik imaluunniit qanoq appasitsigisumik pisoq inissinneqassanersoq nalilissallugu. Ingasassutsip nalilersorneqarnerani tassani, naammakkut pinerluutigineqarsimasumi pisut immikkoortillugit kisiisa ukkatarineqassanngillat, kisianni ataatsimut naliliisoqassaaq, tassani aamma ukiut, iliuuseqarnermut pissutaasimasut pillugit qajassuussinerit, aamma siullermeerluni- imaluunniit uteqqiattumik pinerluttuliorneq pineqarnersoq ilanngunneqarsinnaapput. Pissutsit sakkortusisitsisut, assersuutigalugu siusinnerusukkut assingusumik pinerluttuliorsimanerit, taamaattoqarsimanginneranut naleqqiullugu iliuusereriikkanut kinguneritittakkat sakkortusiartortinneqarneranni qaffasinnerusumik inissiinermik kinguneqartitsisinnaapput. Illuatungaaniippoq qajassuussinissamut pissutaasut, assersuutigalugu ukiuinneq. Piviusumik kingumut innuttaasutut inooqataasinnaalerseqqinnejarnissamik pisariaqartitsinerup, iliuusereriikkanut kinguneritittakkat sakkortusiartortinneqarneranni pineqaatissiinerup appasinnerusup atorneqarnera kingunerisinnaavaa.

1) inatsimmik unioqqutitsinerup ingasassusia, matumani iliuutsit taamaattut akiorneqarnissaannut inuiaqatigiit soqtigisaat ilanngullugit, aamma 2) pinerluttuliortup inuttut atugarisai, matumani pineqartup inatsisinik unioqqutitseqqinnginnissaanut suut pisariaqartinneqarnersutut naatsorsuutigineqarnersut ilanngullugit, pineqaatissiissutip toqqarneqarneranut aamma uuttortarneqarneranut qajassuunneqassasut, pinerluttulerinermi inatsimmi § 121, imm. 1-p malitsigaa. **Pineqartoq siulleq iliuutsit tunngaviattut aammattaaq taaneqartarpoq tunngaviit aappaat pinerluttuliortup tunngavigineqarneranik taaneqartarluni.**

Folketingstidende 2007-08 (katersat aappaat), ilanngussaq A, qupperneq 1668 malillugu pineqaatissiissutip toqqarneqarnera aamma uuttortarneqarnera pillugu eqqartuussiviup aalajangiinera, ilaatigut

pinerluttuliornerup pinerluutigineqarsimasup ingassusia, ilaatigullu pinerluttuliortup inuttut atugarisai assigiissumik qajassuullugit tunngaveqartinneqassasoq, piareersaataasumik suliat malillugit aalajangersakkap kingunerivaa. Siusinnerusukkut pinerluttulerinermi inatsimmi 1954-imeersumut naleqqiullugu, pinerluttuliortup inuttut atugarisaanut tunngatillugu qajassuussineq pingartinneqannginneruvoq maannalu inatsimmik unioqqutitsinerup ingassusaanut naligiissinneqarluni.

Inissiisarfimmi inissinneqarnermi piffissap ukiut 10 qaangissanngikkai, pinerluttulerinermi inatsimmi § 147, imm. 1-ip malitsigaa, taannalu aamma pinerluttulerinermi inatsimmi siusinnerusukkut atuuttumi taamaappoq.

Isumaliutissiissut nr. 1442/2004, atuagaq III, qupperneq 920 malillugu killilimmik piffissaligaasumik inissiisarfimmi inissiisarnermi piffissap sivisunerpaaffissaata qaffanneqarnissaanut tunngavissaqarnersoq, Kalaallit Nunaanni Eqqartuussiveqarneq pillugu ataatsimiititaliarsuup eqqarsaatersuutigisimaga, piareersaataasumik suliani takuneqarsinnaavoq. Sulisaaseq taamanikkut atuuttoq malillugu, qaqtiguinnaq ukiut 5 qaangerlugit killilimmik piffissaligaasumik inissiisarfimmi inissiineq eqqartuussutigineqartopoq. **Inatsisinut unioqqutitsinernut, immikkut ittumik navianassuseqartutut pissuseqartutut taaneqarsinnaasunut, piffissaligaanngitsumik inissiisarfimmi inissiinissamut periarfissaqarnerata attatiinnarneqarnissaata siunnersuutigineqarmat, tassunga ilaavoq.** Tamanna tunngavigalugu killilimmik piffissaligaasumik inissiisarfimmi inissiinermi ukiut 10 killigitinneqartut qaffanneqarnissaat tunngavissaqanngitsoq ataatsimiititaliarsuaq isumaqarsimavoq.

- 1) toqtsinermi, ujajaanermi, nammineersinnaajunnaarsitsinermi, ilungersunartumik nakuusernikkut pinerluttuliornermi, § 98-imi taaneqartunik sioorasaarinerni, pinngitsaaliierni imaluunniit kinguaassiuutitigut ilungersunartumik pinerluttuliorneri allani imaluunniit ikuallatsinermi imaluunniit pinerluttuliorerit taaneqartut pillugit misiliisimanermik pinerluttuliortoq pisuutinneqarpat, 2) pissutsit iliuuserineqarsimasut qanoq ittuunerat aamma pineqartoq pillugu paasissutissat, matumani ingammik siusinnerusukkut pinerluttuliarisimasai pillugit, pineqartup inuit allat inuunerannut, timaanut, peqqissusiannut imaluunniit kiffaanngissusaannut navianartorsiortitsinermik kinguneqartitsisinaanera isumaqarfigineqarpat, aamma 3) navianartorsiortitsineq taanna pitsaliorniarlugu tigummigallagaanermik

atueeq pisariaqarpat, piffissami killiligaanngitsumi tigummigallagaaneq atorneqarsinnaasoq pinerluttulerinermi inatsimmi § 161-ip malitsigaa.

Piffissamik killiligaanngitsumik inissiisarnermi taamanikkut piumasaqaatit allanngortinneqarnissaat tunngavissaqarnersoq, isumaliutissiissut nr. 1442/2004, atuagaq III, qupeeq 841 malillugu Kalaallit Nunaanni Eqqartuussiveqarneq pillugu ataatsimiitaliarsuup isumaliutersuutigisimaga, kisianni allannguutissatut periarfissat arlallit peqqissaartumik isumaliutersuutigineqarnerisa kingorna ataatsimiitaliarsuup, piumasaqaatit atuuttut attatiinnartariaqartutut isumaqarfigisimagaat, piareersaataasumik suliani takuneqarsinnaavoq.

2.2. Inatsiseqarnermut ministereqarfuiup isumaliutiginninnera aaqqissuussinerlu siunnersuutigineqartoq

Isumaliutissiissut nr. 1442/2004, atuagaq III, qupperneq 919 malillugu, Kalaallit Nunaanni Eqqartuussiveqarneq pillugu ataatsimiitaliarsuup isumaliutissiissutini suliarimmagu, toqtsinermut iliuusereriikkamut kingunerititaq nalinginnaasumik inissiisarfimmi ukiuni 5-ni inissiineruvoq.

Folketingstidende 2007-08 (katersat appaat), ilanngussaq A, qupperneq 1633 malillugu, iliuusereriikanut kingunerititat killiffiisa arlaatigulluunniit pinerluttulerinermi inatsisikkut sakkortusineqarnissaat siunertarineqanngilaq.

Tamatuma kingorna taamaakkaluartoq eqqartuusseriaatsimi atuuttumi sakkortusisamik sammiveqartumik ineriertortoqarsimavoq. Taamaalilluni inuarnermut nalinginnaasumik pineqaatissiisarneq siullermik inissiisarfimmi ukiuni 6-inni inissinneqarnissamut qaffanneqarpoq aamma kingusinnerpaamik pisumi Nunatta Eqqartuussisuuneqarfiannit eqqartuussutip eqqartuussummik nalunaarutigineqarnerani 12. april 2022-imeersumi (suliaq nr. K 021/22-imi) inissiisarfimmi inissinneqarnissaq ukiunut 7-nnut qaffanneqarpoq. Taamaalilluni toqtsineq pinerluttulerinermi inatsimmik unioqqutitsinerni unioqqutitsinerit peqqarniinnerpaat ilaattut nalilerneqartariaqartoq, aamma taamaammat eqqartuussisuuneqarfuiup isumaa malillugu – pineqaatissiisarnerit killiffiisa nalinginnaasumik sukannernerulersitsinnejnarerat eqqarsaatigalugu, ukiuni kingullerni politikkikkut erseqqisumik kissaateqarneq, inissiisarfimmi inissiinermi piffissaliussap ukiunik 10-nik sivisussusillip qaangerneqannginnissaanut naleqqiullugu – toqtsineq aallaaviatigut ukiuni

7-nni inissiisarfimmi inissinneqassutaasariaqartoq, eqqartuussisuuneqarfiup oqaaseqaataani taamaalilluni takuneqarsinnaavoq.

Inuarnermut pineqaatissiissutaasartup ukiunik 7-nnik sivisussuseqarnera, inuarnermi pineqaatissiinerup aalajangersarneqarnerata aallaaviatigut ukiunik 7-nnik sivisutiginissaatut paasineqassaaq, kisianni pineqaatissiineq suliami pissutsit piviusumik sukannernerulersitsissutaasinnaanerat qajassuussinissamullu pissutissaqalersitsisinnanerat apeqqutaalluni, pineqaatissiinernut assigiinngitsunut iliuusereriikkanut kinguneritittakkat sakkortusiartortinnejartarneranni pineqaatissiinerit appasinnerusinnaapput aamma qaffasinnerusinnaapput.

Nunatta Eqqartuussisuuneqarfianit eqqartuussummi taaneqartumi pineqaatissiineq piviusumik ukiuni 9-mani inissiisarfimmi inissinneqaataasussatut aalajangerneqarpoq, tassami meeqqamik pissutissaqarnani toqtsinerup pineqarnera, navianarluinnartumik ingasattumillu nakuuserluni aamma imermi ipisitsinikkullu pisimanera, aamma inummik toqtsineq, unnerluunneqartumit nalaatsornerinnakkut toqtsinerunera, aamma toqtsinerup illoqarfiup ilaani ineqarfiusumi tamanit tikinnejqarsinnaasumi, unnukkut toqqisisimasumik angalaarfiusinnaasariaqaraluartumi pisimanera, sakkortusisamik sammiveqartumik pineqaatissiinermini pingaartissimammagu, assersuutitut taaneqarsinnaavoq.

Inatsisikkut nr. 572-ikkut, 10. maj 2022-imeersukkut, 1. juli 2022-immi atuutilersukkut, pinerluttulerinermi inatsimmi pinngitsaaliineq pillugu § 77-immi imm. 3 nutaaq ilanngunneqarpoq, tamatumalu kingorna inummut 18-it inorlugit ukiulimmur pinerluttuliorqarsimatillugu, inatsimmik unioqqutitsinermut atasumik pineqaatissiinerup aalajangersarneqarnerani, immikkut ittumik innarliisoqarsimanera pingaartinneqartussaavoq.

Taamanikkut § 77, imm. 1 (nakuuserluni imaluunniit nakuusernissaq sioorasaarutigalugu pinngitsaaliineq, iliuutsimut akerlileeriarsinnaanngitsumik soriarsinnaanngitsumilluunniit atoqateqarneq allatulluunniit atoqateqarneq imaluunniit meeqqamik 12-it inorlugit ukiulimmik atoqateqarneq imaluunniit kinguaassiutitigut allatut atoqateqarneq) atuttoq malillugu inunnik 18-it inorlugit ukiulinnik pinngitsaaliinermi pineqaatissiineremi killerititaasoq 50 pct.-imik nalinginnaasumik qaffanneqarnissaa naatsorsuutigineqartoq,

piareersaataasumik suliani takuneqarsinnaavoq. Kisianni pinerluttulerinermi inatsimmi § 77, imm. 2-mik (inatsisinik unioqqutitsilluni allatut pinngitsaaliilluni atoqateqarnermik) unioqqutitsinermi pineqaatissiinermut killerititap qaffanneqarnissaq allannguinerup siunertarinngilaa. Folketingstidende 2021-22, ilanngussaq A, L 126-imi, saqqummiunneqartutut, qupperneq 125 innersuussutigineqarpoq.

Inatsisikkut nr. 414-ikkut, 25. april 2023-imeersukkut, ulloq 1. juli 2023-imi atuutilersukkut, pinerluttulerinermi inatsimmi § 77, imm. 1, akuersineq qiteralugu pinngitsaaliilluni atoqateqarnermut aalajangersakkatut allanngortinneqarpoq, tamatumalu peqatigisaanik meeqqamik 12-it inorlugit ukiulimmik kinguaassiuutitigut atassuteqarnikkut pinngitsaaliinermik pinerluutinngortitsineq § 77, imm. 2-mi ingerlateqqinnejarpoq.

Akuersineq qiteralugu pinngitsaaliilluni atoqateqarnermut aalajangersagaq nutaaq aamma meeqqamik 12-it inorlugit ukiulimmik kinguaassiuutitigut atassuteqarnikkut pinngitsaaliineq pillugu aalajangersakkap ingerlateqqinnejarput, taamanikkut pinngitsaaliinermut pineqaatissiisarnermik killiffik atuttooq allanngortinnagu ingerlateqqikkaa, piareersaataasumik suliani takuneqarsinnaavoq. Pineqaatissiisarnermi ingerlateqqinnejartumi inunnik 18-it inorlugit ukiulinnik pinngitsaaliinerit suussusaasa ilaat, taaneqareersutut ukiup siuliani naammassineqartut, ilaatinnejarput. Folketingstidende 2022-23 (katersat aappaat), ilanngussaq A, L 49 saqqummiunneqartutut, qupperneq 33, innersuussutigineqarpoq.

Pinerluttuliorernut ilungersunarnerpaanut killilimmik piffissaligaasumik inissiisarfimmi inissiinermi piffissap sivisunerpaaffissaata ukiunit 10-niit ukiunut 16-inut qaffanneqarnissaq pillugu Naalakkersuisut kissaateqarnertik oqaatigismavaat. Pineqaatissiisarnermi killiffiup nalinginnaasumik qaffanneqarnissaq imaluunniit pinerlunnernut ataatsiakkaanut pineqatissiissutinut killissarititaasut eqqunnejarnissaat kissaatiginngikkitsik, Naalakkersuisut nalunaarutigismavaat. Kisianni pinerluttuliorernut ilungersunarnerpaanut ukiunit 10-nit sivisunerusumik pineqaatissiinissamut periarfissiinissaq kissaataasoq oqaatigineqarpoq, matumanit taamaaliornikkut pisuni piffissaligaanngitsumik tigummigallagaanissamut taarsiullugu allatut qinigassatut killilimmik piffissaligaasumik pineqaatissiinermik qinersisoqarnissaq pillugu periarfissaqarneq ilanngullugu.

Naalakkersuisut kissaatigisaat Inatsiseqarnermut ministereqarfíup akuersaarumavaa. Eqqartuussiveqarneq pillugu ataatsimiititaliarsuup ukiut 20-t matuma siorna suliaminik naammassinninnerata kingorna, eqqartuusseriaatsimi atuuttumi kigaatsunnguamik ineriartortoqarsimavoq, ineriartornerlu killimmik piffissaligaasumik inissiisarfimmi inissiisarnerup ukiunik 10-nik sivisussuseqartup taamanikkut atuuttup ingerlatseqqinnejarnissaanik Ataatsimiititaliarsuup innersuussutaanit ineriartornerlu pineqaatissiinermi killiliussat qaffasinnerulererannik kinguneqarsimavoq. Inunniq 18-it inorlugit ukiulinnik pinngitsaaliilluni atoqtigiinnerit suussusaasa ilaannut, 2022-imi inatsisip allanngortinneqarneratigut pineqaatissiinernut killiliussat 50%-imik qaffanneqarnerat, tassunga aamma ilaavoq.

Tamanna tunngavigalugu pinerluttulerinermi inatsimmi killilimmik piffissaligaasumik inissiisarfimmi inissiinermi piffissap sivisunerpaaffissaata ukiunit 10-iniit ukiunut 16-inut qaffanneqarnissa siunnersuutigineqarpoq.

Inatsimmi qaffaanerup pinerluutinut aalajangersimasunut killilerneqarnissaai Inatsiseqarnermut ministereqarfíup isumaliutersuutigisimavaa, taamaalliluni pinerluutit taakku taamaallaat pineqartillugit, ukiut 10-t sinnerlugit inissiisarfimmi inissinneqarnissamik eqqartuunneqarneq periarfissaassalluni.

Kisianni pinerluttulerinermi inatsimmi, pinerluttuliornerup suussusaa apeqqutaatillugu inissiisarfimmi inissiinermi sivisunerpaamik inissiinissat assigiinngitsut marluk aalajangerneqarnerisa pineqaatissiisarnermik systemi pisariaqanngitsumik paasiuminaallisissagaa, Inatsiseqarnermut ministereqarfik isumaqarpoq. Taamaaliorneq aamma ilaatigut pineqaatissiisarnermi killiliussat eqqunneqarnerattut paasineqarsinnaassaaq, tamannalu Inatsiseqarnermut ministereqarfíup pisariaqartutut isiginngilaa. IliuusereriiKKanut kinguneritittakkat sakkortusiartortinnejartarneranni alloriarfik sukannernerpaaq, tigummigallagaaneq, pinerluttuliornernut aalajangersimasunut atorneqartussatut killilerneqartoq minillugu, pineqaatissiinerup suugaluartulluunniit pinerluttulerinermi inatsimmi unioqqutitsinermi tunngaviusumik atorneqarsinnaanera, Inatsiseqarnermut ministereqarfíup aamma pingaartissimavaa. Naak pinerluttulerinermi inatsimmi § 146-imi inissiisarfimmi inissiinissamut nalinginnaasumik piumasagaatit naammassineqarsimagaluartut, taamaaliornissamut

inatsisitigut periarfissaliissuteqarnera apeqqutaatinnagu, pinerluttulerinermi inatsimmik unioqqutitsinerit ilungersunanninnerusut amerlasuut pineqaatissiissutigineqarnissaannik uuttuineq pillugu sivisuumik inissiisarfimmi inissiinissaq eqqartuussutigineqarpat, pinerluttulerinermi inatsimmi § 121-imut aamma atsikkutigiissitsinissamut tunngavinnut tunngaviusunut tamatuma akerliunissa erseqqikkaluartoq, sulisaatsimi tamanna ajornartorsiutinik pissuteqalersitsisimanngitsoq, Inatsiseqarnermut ministereqarfik isumaqarpoq.

Kisianni pinerluttuliortoq pinerluttuliornermi nalaani 18-it inorlugit ukioqartoq, ukiut 10 inissiisarfimmi inissinneqarnissamik eqqartuunneqassanngitsoq, aalajangersakkami takuneqarsinnaasariaqartoq, Inatsiseqarnermut ministereqarfik isumaqarportaaq. Pinerluttulerinermi inatsimmi § 146, imm. 2 malillugu pissutsit immikkut ittut taamatut inissiinissaq pisariaqartippassuk, pinerluttuliortoq 18-it inorlugit ukioqartoq nalinginnaasumik inissiisarfimmi inissinneqarnissamik taamaallaat eqqartuunneqarsinnaavoq. Immikkut ittumik pissutsit taamaattut atuutsillugit, kisianni aamma nalinginnaasumik inissiisarfimmi inissiinissamut nalinginnaasumik piffissamik qaffaanerup kingorna, pinerluttuliortoq 18-it inorlugit ukioqartoq killilimmik piffissaligaasumik inissiisarfimmi inissiinermi ukiunit 10-nit sivisunerusumik eqqartuunneqanngisaannartariaqarpoq.

Inissiisarfimmi killilimmik piffissaligaasumik inissiisarnerup qaffanneqarnissaanik siunnersuutikkut, pineqaatissiinerit killiffisa, ullumikkut eqqartuussivinni atorneqartut, allakkut allangortinnagit ingerlateqqinnejarnissaat aallaaviatigut naatsorsuutigineqarpoq.

Taamaalilluni siullertut, pinerluttulerinermi inatsimmik unioqqutitsinerit iliuusereriikanut kinguneqartittakkat sakkortusiartortinnejarneraattut alloriarfimmi tassani siunissami kinguneqartinnejartassasut naatsorsuutigineqarpoq, taamaattoq ullumikkut tigummigallagaanermik eqqartuunneqartartut pillugit pisut ataaniittoq takuuk.

Pinerluttuliornert ullumik killilimmik piffissaligaasumik inissiisarfimmi inissiinermik kinguneqartinnejartartut, pingarnertut malittarisassaq pingarneq malillugu ullumikkutut sivisussusilerlugit inissiisarfimmi inissiissutigineqartarnissaat aappaattut naatsorsuutigineqarpoq. Ingammik inunnut navianaatilimmik pinerluttuliornert ilungersunarnerpaat pisimatillugit, kisianni pissutsit assigiinngitsut malillugit aamma

assersuutigalugu ingasattumik ikiaroorartut pillugit pinerluttuliornerni, timmisartut- umiarsuit tigusarineqarneranni aamma atortussianik radioaktiviusunik, atortussanik atominit qaartartulinnik atuilluni pinerluuteqarnermi il.il., eqqartuussiviit killilimmik piffissalikkamik inissiisarfimmi inissiinerup sivisussusilerneqarnerani assigiinngisitaarisinnaanermanni, tassani killilikkamik piffissaligaasumik inissiisarfinni inissiinermi sivisunerpaamik inissiisarneq ukiunik 10-nik sivisussuseqarluni, tunngaviliisarnerannik allaanerusumik killilikkamik piffissaligaasumik inissiisarfimmi inissiinissami eqqartuussiviit suli piffissaliinermanni annertunerusumik assigiinngisitaartumik inissiisinnaanerat, siunnersuutip periarfissippaa.

Pinerluttuliorerit ilaanni, tassani pineqaatissiissut ullumikkut inissiisarfimmi ukiuni assersuutigalugu 8-ni imaluunniit 9-ni inissiinermik aalajangerneqartarluni, siunissami tassunga taarsiullugu inissiisarfimmi ukiuni 9-ni imaluunniit ukiuni 10-ni inissiinermut aalajangerneqarsinnaassaaq – aamma qaqutigorluinnaq pisuni aamma eqqartuusseriaatsimi atuuttumi nalinginnaasumik ineriartornermut ilaasutut – ukiuni 10-nik sivisunerusumi inissiisarfimmi inissiisoqarsinnaalissalluni.

Pisuni ataasiakkaani, ullumikkut tigummigallagassanngortitsinermik eqqartuussisoqarfiusuni, siunissami tassunga taarsiullugu sivisuumik killilimmik piffissaligaasumik inissiisarfimmi inissinneqarnissamik eqqartuussisoqarsinnaanera akornuserneqarsinnaassangilaq. Taamaattoq killilimmik piffissaligaasumik inissiisarfimmi inissiinissaq pinerluttuliortup inatsisinik unioqqutiseqqinnissaata pitsaaliorneqarnissaanut naammassanersoq, pinerluutigineqartup aamma inuup pinerluttuliortup ataatsimut naliliiffigineqarnera apeqqutaassaaq. Taamaalilluni pinerluttuliortup inuit allat inuunerannut, timaannut, peqqissusiannut imaluunniit kiffaanngissusaannut navianartorsiortitsinermik kinguneqartitsisinnaanera isumaqarfingineqartoq, aamma pisuni amerlasuuni navianaatip taassuma pitsaaliornissaanut ullumikkut tigummineqarallarnermik atuineq pisariaqartinneqartillugu, tigummigallarneqarneq suli pisariaqartussaasoq naatsorsuutigineqartariaqarpoq.

Inatsisisstatut siunnersummi § 1 tassungalu oqaaseqaatit innersuussutigineqarput.

3. Pisortanut aningaasaqarnikkut kingunissai aamma atortuulersitsinermi kingunissaa

Annertuumik nalornissuteqarluni oqaatigalugu, siunnersuutip tamakkerluni atuutilernermini Kalaallit Nunaanni Pinerluttunik Isumaginnittuni inissaqartitsinissamik annertunerusumik pisariaqartitsinermik, inatsisisssatut siunnersuutip kinguneqarnissaa naatsorsuutigineqarpoq. Siullermik, eqqartuunneqartoq killilimmik piffissaligaasumik inissiisarfimmi inissiisarnermi sivisunerpaaamik inissiinissamut killiliussaq massakkut attuuttoq malillugu pillatisiaminik atuisimatillugu, aamma pillatisiaminik atuinerata ilaanik, pineqaatissiinermik sivitsuinermut atassuteqartinnejarsinnaasumik, taamaalilluni atuisussanngortillugu.

Tamakkiisumik atuutilersinneqarnerata kingorna, pinerluttunik isumaginnittunut ukiumut (2025-imiit siumut) 6,0 kr.-imiit 6,6 mio.kr.-inut missiliorneqartumik ingerlatsinermut aningaasartuuteqarnerunermik inatsisisssatut siunnersuutip kinguneqarnissaa naatsorsuutigineqarpoq, taakkulu Kalaallit Nunaanni Pinerluttunik Isumaginnittuni inissanik amerlanerusunik pisariaqartitsinermut atatinneqarsinnaapput. Assersuutigalugu illuutit naleqqussarneqarnerinut imaluunniit allanngortinnejarsinnaapput aamma aningaasartuutit allat, missiliorneqarnissaat periarfissaasimanngitsut aamma ilaapput.

4. Inuussutissarsiornermut il.il. aningaasaqarnikkut allaffissornikkullu kingunissaa

Inatsisisssatut siunnersuut inuussutissarsiornermut allaffissornikkut aningaasaqarnikkullu kinguneqassanngilaq.

5. Innuttaasunut allaffissornikkut kingunissaa

Inatsisisssatut siunnersuut innuttaasunut allaffissornikkut kinguneqassanngilaq.

6. Silap pissusaanut- aamma avatangiisunut kingunissaa

Inatsisisssatut siunnersuut silap pissusaanut- aamma avatangiisunut kinguneqassanngilaq.

7. EU-mi inatsisitigut tunngassuteqartut

Inatsisissatut siunnersuut EU-mi inatsisitigut tunngasunik isiginniffinnik imaqanngilaq.

8. Oqartussat suleqatigiiffiillu il.il. tusarniaaffigineqartut

Inatsisissatut siunnersummut missingiut piffissami [*] 2024-imiit [*] 2024-imut oqartussaasunut suliniaqatigiiffinnullu il.il. nassiullugu tusarniutigineqarpoq:

[*]

9. Immersugaq eqikkaaffiusoq

	Pitsaasumik sunniutissai/ningaasartutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/ningaasartuu-teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	[*]
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsortunut aningaasaqarnikkut kingunissaa	Soqanngilaq	Soqanngilaq
Inuussutissarsortunut allaffissornikkut kingunissaa	Soqanngilaq	Soqanngilaq
Innuttaasunut allaffissornikkut kingunissaa	Soqanngilaq	Soqanngilaq
Silap pissusaanut-avatangiisinullu tunngatillugu kingunissaa	Soqanngilaq	Soqanngilaq
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	

EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq/EU-mi malittarisassiunermi minnerpaamik piumasasaqaatinik qaangiivoq (X-ileruk)	Aap	Naagga X
--	-----	-------------

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-imut

Pinerluttuliortup inatsisinik unioqqutitseqqinqinnissaa pitsaaliorniarlugu, imaluunniit inatsimmik unioqqutitsinerup ingasassusaa eqqarsaatigalugu, inissiisarfimmi inissiineq atorneqarsinnaasoq, pinerluttulerinerimi inatsimmi § 146-p malitsigaa. Pissutsit immikkut ittut inissiinissaq pisariaqartinngippassuk, pinerluttuliortoq 18-it inorlugit ukiulik, inissiisarfimmi inissinneqartussanngorlugu eqqartuunneqassanngilaq.

Inissiisarfimmi inissiinermi piffissaq eqqartuussummi aalajangerneqartartoq aamma piffissap ukiut 10 qaangersinnaanngikkai, pinerluttulerinerimi inatsimmi § 147, imm. 1-ip malitsigaa.

§ 147, imm. 1-imu ukiut 10 ukiunut 16-inut allanngortinnejarnissaat siunnersuutigineqarpoq.

Killilimmik piffissaligaasumik inissiisarfimmi inissiinermi piffissap sivisunerpaaffissa ukiunit 10-nit ukiunut 16-inut qaffanneqarnissa, siunnersuutip kinguneraa.

Inatsisissatut siunnersuummi § 1, nr. 2 malillugu pinerluttuliortoq 18-it inorlugit ukiulik, ukiut 10 sinnerlugit inissiisarfimmi inissinneqartussanngorlugu eqqartuunneqarsinnaanngitsoq, aamma inissiisarfimmi inissiinermut piffissap sivisunerpaaffissa ukiut 16-inngortoq nutaaq, tamanna tunngavigalugu eqqartuussat piffissami pinerluttuliorfigisaminni 18-inik ukioqalereersimanissaat, tamatuma peqatigisaanik siunnersuutigineqarpoq.

Inissiisarfimmut inissiinissap atorneqarnissaanut piumasaqaatit allanngortinnejassanngitsut siunnersuutigineqarpoq, aamma siunissami inissiisarfinnut inissiinermi ullumikkutut pisut assinginut atorneqarnissa, naatsorsuutigineqarpoq, taamaattoq pisut, ullumikkut tigummigallagassanngortitaanermik eqqartuussutaasartut pillugit ataaniittut takukkit.

Pinerluttuliornerit, ullumikkut inissiisarfimmi inissinneqarnermik iliuusereriikanik kinguneqartitsissutaasartut, pingaarnertut malittarisassaq nalinginnaasoq malillugu inissiisarfimmi inissiinermik ullumikkutut sivisutigisumik iliuusereriikanut kinguneqartitsissutigineqassasoq, aammattaaq naatsorsuutigineqarpoq.

Ingammik inunnut navianaatilimmik pinerluttuliornerit ilungersunarnerpaat pisimatillugit, kisianni pissutsit assigiinngitsut malillugit aamma assersuutigalugu ingasattumik ikiaroorartut pillugit pinerluttuliornerni, timmisartut- umiarsuit tigusarineqarneranni aamma atortussianik radioaktiviusunik, atortussanik atominit qaartartulinnik atuilluni pinerluuteqarnermi il.il., eqqartuussiviit killilimmik piffissalikkamik inissiisarfimmi inissiinerup sivisussusilerneqarnerani assigiinngisitaarisinnaanermanni, tassani killilikkamik piffissaligaasumik inissiisarfinni inissiinermi sivisunerpaaamik inissiisarneq ukiuni 10-nik sivisussuseqarluni, tunngaviliisarnerannik allaanerusumik killilikkamik piffissaligaasumik inissiisarfimmi inissiinissami eqqartuussiviit suli piffissaliinermanni annertunerusumik assigiinngisitaartumik inissiisinnaanerat, siunnersuutip periarfissippaa.

Pinerluttuliornerit ilaanni, tassani pineqaatissiissut ullumikkut inissiisarfimmi ukiuni assersuutigalugu 8-ni imaluunniit 9-ni inissiinermik aalajangerneqartarluni, siunissami tassunga taarsiullugu inissiisarfimmi ukiuni 9-ni imaluunniit ukiuni 10-ni inissiinermut aalajangerneqarsinnaassaaq – aamma qaqutigorluinnaq pisuni aamma eqqartuussaderaatsimi atuuttumi nalinginnaasumik ineriarornermut ilaasutut – ukiuni 10-nik sivisunerusumi inissiisarfimmi inissiisoqarsinnaalissalluni.

Pisuni ataasiakkaani, ullumikkut tigummigallagassanngortitsinsinermik eqqartuussisoqarfiusuni, siunissami tassunga taarsiullugu sivisuumik killilimmik piffissaligaasumik inissiisarfimmi inissinneqarnissamik eqqartuussisoqarsinnaanera akornuserneqarsinnaassanngilaq. Taamaattoq killilimmik piffissaligaasumik inissiisarfimmi inissiinissaq pinerluttuliortup inatsisinik unioqqutitseqqinnissaata pitsaaliorneqarnissaanut naammassanersoq, pinerluutigineqartup aamma inuup pinerluttuliortup ataatsimut naliliiffigineqarnera apeqqutaassaaq. Taamaalilluni pinerluttuliortup inuit allat inuunerannut, timaannut, peqqissusiannut imaluunniit kiffaanngissusaannut navianartorsiortitsinsinermik kinguneqartitsisinnaanera isumaqarfigineqartoq, aamma pisuni amerlasuuni navianaatip taassuma pitsaaliornissaanut ullumikkut

tigummineqarallarnermik atuineq pisariaqartinneqartillugu,
tigummigallarneqarneq suli pisariaqartussaasoq
naatsorsuutigineqartariaqarpoq.

Aammattaaq inatsisissatut siunnersuummi nalinginnaasumik oqaaseqaatini imm. 2 innersuussutigineqarpoq.

Nr. 2-mut

Pinerluttuliortup inatsisinik unioqqutitseqqinqinnissaa pitsaaliorniarlugu, imaluunniit inatsimmik unioqqutitsinerup ingassusaa eqqarsaatigalugu, inissiisarfimmi inissiineq atorneqarsinnaasoq, pinerluttulerinerimi inatsimmi § 146-p malitsigaa. Pissutsit immikkut ittut inissiinissaq pisariaqartinnngippassuk, pinerluttuliortoq 18-it inorlugit ukiulik, inissiisarfimmi inissinneqartussanngorlugu eqqartuunneqassanngilaq.

Inissiisarfimmi inissiinermi piffissaq eqqartuussummi aalajangerneqartartoq aamma piffissap ukiut 10 qaangersinnaanngikkai, pinerluttulerinerimi inatsimmi § 147, imm. 1-ip malitsigaa. Inatsisissatut siunnersuummi § 1, nr. 1 malillugu inissiisarfimmi inissiinissamut piffissap sivisunerpaaffissa kisianni ukiunut 16-inut qaffanneqarnissaa siunnersuutigineqarpoq.

Nutaamik § 147, imm. 2-mik ilanngussisoqarnissaa siunnersuutigineqarpoq, tamatumalu kingorna pinerluttuliortoq 18-it inorlugit ukioqartoq, ukiut 10 sinnerlugit inissiisarfimmi inissinneqartussanngorlugu eqqartuunneqarsinnaanngilaq.

Pinerluttuliortumut 18-it inorlugit ukiulimmut, inissiisarfimmi inissinneqarnissamut nalinginnaasumik sisussutsip sivisunerpaaffissa ukiunut 16-inut qaffanneqarnera apeqqutaatinnagu, killilimmik piffissaligaasumik inissiisarfimmi inissiinermi piffissap sivisunerpaaffissa suli ukiut 10-iussasut, siunnersuutip kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2 innersuussutigineqarpoq.

Nr. 3-mut

Inummut inissiisarfimmi inissinneqartussanngorlugu eqqartuunneqarsimasumut, inissiisarfimmi inissinneqarnermi nalaani

nutaamik inatsimmik unioqqutitsisumut, pinerluttulerinermi inatsimmi § 147, imm. 2 tunngassuteqarpoq.

Inissiisarfimmi inissinneqarnissamut eqqartuunneqareernermi kingorna, kisianni inissiisarfimmi inissinneqarneq aallartissimatinnagu, eqqartuunneqartup nutaamik inatsimmik unioqqutitsinerani imm. 2 taamatuttaaq atuutissasoq, pinerluttulerinermi inatsimmi § 147, imm. 3-p malitsigaa.

§ 147, imm. 3-imi imm. 2-mut innersuussineq imm. 3-mut innersuussinermik allanngortinneqassasoq siunnersuutigineqarpoq.

Inatsisisatut siunnersuummi § 1, nr. 2 malillugu nutaamik § 147, imm. 2-mik ilanngussisoqarnissaanik siunnersuutip, siunnersuut kinguneraa, tamannalu § 147, imm. 2-p atuuttup imm. 3-nngorneranik kinguneqarpoq.

§ 2-mut

Inatsisip ulloq [...] atuutilernissaa siunnersuutigineqarpoq.

Ilanngussaq

Inatsisissatut siunnersuutip inatsimmut atuuttumut ataatsimoortinneqarnera

<i>Oqaasertalerneqarnera atuuttoq</i>	<i>Inatsisissatut siunnersuut</i>
	§ 1
	Inatsimmik allanngorneri ilanngullugit nalunaarutiginnineq nr. 1187, 18. september 2023-imeersoq malillugu, Kalaallit Nunaanni pinerluttulerinermi inatsimmi allannguutit tulliuttut suliarineqassapput:
§ 147. Inissiisarfimmut inissinneqarnerup sivisussusissa, ukiunit qulinit sivisunerusinnaanngitsoq, eqqartuussisummi aalajangersarneqassaaq.	1. <i>§ 147, imm. 1-imi</i> , »ukiunit qulinit« ima allanngortinneqassaaq: »ukiunit 16-init«. 2. <i>§ 147-imi</i> imm. 1-ip kingorna immikkoortutut nutaatut ilanngunneqassaaq: » <i>Imm. 2. Iliuseqartoq 18-it inorlugit ukiulik inissiisarfimmi ukiut 10 sinnerlugit inissinneqartussatut eqqartuunneqarsinnaanngilaq.</i> « Imm. 2 aamma 3 tamatuma kingorna imm. 3 aamma 4-nngussapput.
<i>Imm. 2. Eqqartuussaaq inissiisarfimmiitsitaanermi nalaani inatsisinik unioqqutitseqqippat eqqartuussisuusut pinerluummut tamatumunnga inatsisinillu unioqqutitsinermut siusinnerusukkut eqqartuussissutaasimasumut ataatsimut pineqaatissiissuteqassapput, taamatulli iliussanngillat</i>	

<p>siusinnerusukkut pineqaatissiissutaasimasoq naammassoriguniku. Taarsiullugu eqqartuussisuusut pinerloqqinneq kisiat pineqaatissiissutigisinnavaat.</p>	
<p><i>Imm. 3. Imm. 2 taamatuttaaq atuutissaaq eqqartuussaq inissiisarfimmittussanngortinneqar- luni eqqartuunneqareerluni suli inissiisarfimmut inissinneqarani inatsisinik unioqqutitseqqippat.</i></p>	<p>2. § 147, imm. 3-mi, imm. 4-nngortussami, »Imm. 2« ima allanngortinneqassaaq: »Imm. 3«.</p>